

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৫১১৪

খোয়াই, ৭ মার্চ, ২০২৪

মৎস্য সহায়ক যোজনা

খোয়াই জেলায় ৬৩ জন মৎস্যচাষীকে আর্থিক সহায়তা

খোয়াইয়ের পূর্ব রামচন্দ্রগাটে অটল কমিউনিটি হলে আজ খোয়াই জেলাভিত্তিক মৎস্য সহায়ক যোজনার উদ্বোধন হয়। এ উপলক্ষে আয়োজিত অনুষ্ঠানের উদ্বোধন করেন খোয়াই জিলা পরিষদের সভাধিপতি জয়দেব দেববর্মা। অনুষ্ঠানে জেলার ৬৩ জন মৎস্যচাষীকে আর্থিক সহায়তা দেওয়া হয়েছে। অনুষ্ঠানের উদ্বোধন করে সভাধিপতি বলেন, মৎস্যচাষে রাজ্যকে স্বনির্ভর করে তুলতে সরকার বিভিন্ন উদ্যোগ নিয়েছে। মৎস্য সহায়ক যোজনা এরমধ্যে অন্যতম। মৎস্যচাষে রাজ্যকে স্বনির্ভর করতে তিনি বিজ্ঞানসম্মত পদ্ধতিতে মৎস্যচাষের উপর গুরুত্ব আরোপ করেন। অনুষ্ঠানে অন্যান্যদের মধ্যে উপস্থিত ছিলেন জিলা পরিষদের সহকারি সভাধিপতি হরিশংকর পাল, খোয়াই পঞ্চায়েত সমিতির সদস্য খোকন পাল, খোয়াই এবং তেলিয়ামুড়া মৎস্য মহকুমার তত্ত্বাবধায়ক সোমা মজুমদার ও বিভাস বিশ্বাস। অনুষ্ঠানে স্বাগত বক্তব্য রাখেন জেলা মৎস্য আধিকারিক জয়ন্ত চক্রবর্তী। অনুষ্ঠানে জেলার ৬৩ জন মৎস্যচাষীকে ৬ হাজার টাকা করে আর্থিক সহায়তার অনুমোদনপত্র তুলে দেওয়া হয়।

\*\*\*\*\*